



Sámi allaskuvla

Sámi University of Applied Sciences

OAHPPOPLÁNA

SÁM 316

AKADEMALAŠ GASKKUSTEAPMI JA GULAHALLAN

10 oahppočuoggá

1. OAHPPOOVTTADAGA NAMMA

Sámegillii: Akademalaš gaskkusteapmi ja gulahallan
Norsk: Akademisk formidling og kommunikasjon
English: Academic dissemination and communication

2. OPPALAŠ DIEĐUT OAHPU BIRRA

OAHPPOVTTADAGA KODA: SÁM 316

VIIDODAT: 10 oahppočuoggá

OAHPU LÁGIDEAPMI: Oahpus dollojuvvo láidehuslogaldallan masteroahpu vuosttaš lohkanbáji áigge. Muđuid studeanttat barget iešheanálaččat ja gulahallet dán gursii gullelaš barggaid birra masteroahpu koordináhtoriin ja/dahje oahpaheddjiiguin.

3. OAHPU GULLEVAŠVUOHTA

Gursa gullá Sámegeiela ja sámi girjjálašvuoda masterprográmma fága- dahje váljagurssaide.

4. SISABEASSANGÁIBÁDUSAT

Sisabeassangáibádussan leat Sámegeiela ja sámi girjjálašvuoda masterprográmma oppalaš sisabeassangáibádusat, mat leat čilgejuvvon oahppoprográmmaplánas.

5. OAHPAHUSGIELLA

Gurssas dollojuvvo láidehuslogaldallan sámegillii, ja bagadallan dollojuvvo maiddá sámegillii. Studeanta oasálastá dakkár fágalaš konferánssaide, main konferánsgiellan sáhtá leat sámegiella, mii nu davviriikkalaš gielain ja/dahje eangalsgiella.

6. SISDOALLU

Oahpus deattuhuvvojit studeantta oasálastin dieđalaš konferánssaide, daidda ráhkkaneapmi ja konferánssaid fágalaš sisdoalu raporteren. Guovddáš sisdoallun lea studeantta oasálastin dakkár fágalaš konferánssaide ja/dahje semináraide, mat leat relevánttat su masterohppui. Studeanta sáhtá doallat sáhkavuoru iežas masterohppui gullelaš fáttás, erenoamážit jus son searvá dakkár lágideapmái, mas sáhtá doallat sáhkavuoru sámegillii. Sáhkavuoru almmuheapmi lea maid vejolaš soahpamuša mielde. Studeanta sáhtá maiddá searvat Sámi allaskuvlla giella- ja girjjálašvuodafágaid konferánssaid ja/dahje dutkanbeivviid ráhkkaneapmái ja lágideapmái ja čállit dan barggu birra 2–4-siidosaš reflekšuvdnalogga.

Earágielat konferánssasáhkavuoruid birra sohppojuvvo fágaoahpaheddjiin. Jus studeanta ii doala sáhkavuoru muhto čuovvu konferánssa, de dalle lea bargogáibádussan čállit juohke konferánssas sámegillii 3–6-siidosaš dieđalaš referáhta konferánssa fágalaš sisdoalu birra. Referáhta sáhtá maiddá almmuhuvvot sohppojuvvon kanálas. Gurssa sisdoallu ja

bargomearri plánejuvvo ja sohppojuvvo fágaoahpaheddjiin, daningo konferánsat leat iešguđetláganat sihke gielalaččat ja fágalaččat.

7. OAHPPANJOKSOSAT

Oahpu maŋŋá studeanta lea olahan dáid oahppanjoksosiid:

Máhttu ja diehtu:

Studeanta

- dovdá mo seminárat ja konferánsat doibmet akademalaš gaskkustan- ja ságastallanvuohkin.

Gálggat:

Studeanta máhtá

- čállit sáhkavuoru abstrávtta (oktiigeasu) jus dat gáibiduvvo konferánsas;
- ráhkadit dieđalaš sáhkavuoru sámegillii iežas dutkanfáttás;
- searvat akademalaš ságastallamiidda;
- ráhkadit fágalaš referáhta konferánsa sisdoalu vuodul.

Oppalaš gelbbolašvuohta:

Studeanta ipmirda

- mo dieđalaš konferánsat doibmet giella- ja girjjálašvuođa dutkama gaskkusteamis;
- mo dieđalaš almmuheamit adnojuvvojit giella- ja girjjálašvuođafágaid dutkanbargguid gaskkusteamis.

8. OAHPAHAN- JA OAHPPANVUOGIT

Konferánsii dahje konferánsaide ráhkkaneapmi ja dasa (dahje daidda) searvan ja studeantta iešheanalis čálalaš barggut. Ohppui gullá bagadallan.

9. GÁIBÁDUSAT BEASSAT EKSÁMENII

Gurssa áigge studeanta searvá unnimusat ovttá dieđalaš konferánsii ja čállá unnimusat guokte dieđalaš čálloša nugo omd. sáhkavuoru, dieđalaš referáhta ja/dahje refleksuvdnalogga. Dát barggut čohkkejuvvojit máhppan loahpalaš eksámenii.

10. EKSÁMEN

Máhppaeksámen, mas leat omd. studeantta doallan sáhkavuorru ja/dahje fágalaš referáhtta dahje referáhtat. Máhpa sisdoallu sohppojuvvo fágaoahpaheddjiin dađi mielde makkár konferánsii dahje konferánsaide studeanta oasálastá, muhto eksámenmáhpas galget leat unnimusat guokte (2) čálalaš dieđalaš barggu. Árvvoštallan: Árvosátni A–F.

11. PRIVATISTTAID VEJOLAŠVUOHTA VÁLDIT GURSSA

Privatistan ii sáhte váldit dán oasi, daningo ohppui gullá geatnegahtton bagadallan. Geahča muđui U/A lága § 3-8 (2).

12. KVALITEHTASIHKKARASTIN

Čujuhuvvo Sámi allaskuvla kvalitehtasihkkarastinvuogá dahkii ja dasa makkár vejolašvuodát ja geatnegasvuodát studeanttain lea árvvoštallat Sámi allaskuvlla oahppofálaldagaid ja bálvalusaid kvalitehta.

Studeanttat árvvoštallet oahpu evaluerenčoahkkimis ja sii devdet árvvoštallanskovi oahpu loahpahettiin. Ásahus árvvoštallá oahpu studeantaárvvoštallamiid, eksámenraporttaid, sensorraporttaid ja fágareportta vuodul.

13. LOHKANMEARRI

Lohkanmearri sohppojuvvo bagadalliin ja/dahje oahpaheddiin. Jus studeanta doallá dieđalaš sáhkavuoru konferánsas, de girjjálašvuotta välljejuvvo dađi mielde, mii lea relevánta su sáhkavurru.